

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 18 лун

15 №-а

СЁРНИГИЖӨД

Волісны: Марков В.П., Козулина С.Г, Цыпанов Е.А., Безносикова Л.М., Бутырева Г.В., Карманова А.Н., Коснырева Е.Г., Макарова Н.Д., Попова Н.А., Федина М.С.

Видлалісны да сёгласуйтісны Коми Республикаса Оланподулысь 84 статьяса 6-19 пунктгьяс:

6) инөд серти вермө корны чукөртны Коми Республикаса Каналан Сөветлысь чередтөм чукөртчылөм, а сідзжө чукөртны выльөн бөрйөм Коми Республикаса Каналан Сөвет медводдза чукөртчылөм вылө Коми Республикаса Каналан Сөветлы Коми Республикаса Оланподулөн урчитөм кадысь водзджык;

7) инөд серти вермө пырөдчыны Коми Республикаса Каналан Сөвет уджө инөда сёрнитчан гөлөсөн;

8) □ инөд серти вермө вынсьөдны Коми Республикаса Каналан Сөветөн уджмоггьяс кадысь водз дугөдөм йылысь помшүөм федеральной оланпас да Коми Республикаса Оланподув серти;

(8 п. 2007.11.08 лунся 93-РЗ №-а КР Оланпаслөн редакцияын)

8-1) пыртө Коми Республикаса Каналан Сөветө федеральной оланпас серти муниципальной юкөнса бөрйөм органлысь уджсө дугөдөм йылысь Коми Республикаса оланпас бала;

(8-1 п. пыртөма 2007.11.08 лунся 93-РЗ №-а КР Оланпасөн)

8-2) йөзөдө федеральной оланпас серти муниципальной юкөнса юралысьсөс либө муниципальной юкөнлөн администрацияса юрнуөдысьсөс (юралысьсөс) чинысь вештөм йылысь инөда акт;

(8-2 п. пыртөма 2007.11.08 лунся 93-РЗ №-а КР Оланпасөн)

8-3) вынсьödö федеральной оланпас серти Коми Республикаса олөмö пöртысь власьт органьясөн меставывса асвеськöдлан органьяслысь торья уджмогыяс недыр кадколастö збыльмöдöм йылысь помшудм;

(8-3 п. пыртöма 2007.11.08 лунся 93-РЗ №-а КР Оланпасөн)

8-4) шыödчö корöмөн лöсьöдны муниципальной юкöнын недыр када финансöвöй администрация федеральной оланпасөн индöм да пöрадок серти;

(8-4 п. пыртöма 2007.11.08 лунся 93-РЗ №-а КР Оланпасөн)

9) сетö Коми Республикаса Каналан Сöветлы Коми Республикалысь республиканскöй сьöмкуд бала да Коми Республикалысь республиканскöй сьöмкуд видзöм йылысь отчёт;

10) сетö Коми Республикаса Каналан Сöветлы Коми Республикаöс социальнöя да экономическöя сöвмöдан уджтасьяслысь балаяс да тайö уджтасьяссö збыльмöдöм йылысь отчётьяс;

10-1) сетö Коми Республикаса Каналан Сöветлы Коми Республикаса Веськöдлан котыр удж йылысь быдвося отчётьяс, такöд тшöтш Коми Республикаса Каналан Сöветөн индöм юалöмьяс серти;

(10-1 п. 2010.05.07 лунся 35-РЗ №-а КР Оланпаслөн редакцияын)

11) Каналан Сöветкöд сёрнитчöмөн индö чинö Коми Республикаса Юралысьöс вежысьяс, Коми Республикалөн сьöм овмöсса министрöс;

(2003.03.03 лунся 9-РЗ №-а КР Оланпаслөн редакцияын)

12) вештö чинысь Коми Республикаса Юралысьöс вежысьясöс, Коми Республикалөн сьöм овмöсса министрöс, индö чинö да вештö чинысь Коми Республикаса мукöд министрöс, Коми Республикаса олөмö пöртысь власьтлөн мукöд органса юрнуöдысьясöс;

(2003.03.03 лунся 9-РЗ №-а; 2007.06.15 лунся 45 №-а КР Оланпасьяслөн редакцияын)

13) урчитö Коми Республикаса олөмö пöртысь власьт органьяслысь тэчас;

(2003.12.01 лунся 72-РЗ №-а; 2005.05.17 лунся 47-РЗ №-а КР Оланпасьяслөн редакцияын)

13-1) урчитö Коми Республикаса олöмö пöртысь власьт органьяс, кодьяслы сетöма динмуса каналан дöзьюр збыльмöдан уджмогьяс, урчитö котыртан тэчассö, уджмогьяссö, могьяссö да налысь уджаланногсö;

(13-1 п. пыртöма 2009.05.22 лунся 38-РЗ №-а КР Оланпасöн)

14) индö чинö Коми Республикаса Каналан Сöветкöд сёрнитчöмön Россия Федерацияын да сылөн субъектьясын, войтыркостса организациясын да суйöрсайса канмуясын Коми Республикаöс петкöдлысьяс; вештö чинысь Россия Федерацияын да сылөн субъектьясын, войтыркостса организациясын да суйöрсайса канмуясын Коми Республикаöс петкöдлысьясöс;

(14 п. 2003.12.01 лунся 72-РЗ №-а КР Оланпаслөн редакцияын)

15) индö Россия Федерацияса Федеральнöй Собраниелөн Федерация Сöветö Коми Республикаса Веськöдлан котырянь петкöдлысьöс;

16) индö Коми Республикаса бöрйысян комиссияö пырысьяс лыдысь джынсö, кодьяслөн эм вына инöда гөлöс;

17) шыödчö Россия Федерацияса Оланподув Ёрдö да Коми Республикаса Оланподув Ёрдö Россия Федерацияса оланпастэчас да Коми Республикаса оланпастэчас серти;

18) сетö Коми Республикаса каналан наградаяс да Коми Республикаса почёт нимьяс, вöзйö сетны Россия Федерацияса каналан наградаяс;

18-1) □ладмöдö Коми Республикаса олöмö пöртысь власьт органьяслысь Коми Республикаса каналан власьт мукöд органкöд öтувья уджсö да Россия Федерацияса оланпастэчас серти вермö котыртны Коми Республикаса олöмö пöртысь власьт органьяслысь олöмö пöртысь федеральнöй власьт органьяскöд да налөн мутас органьяскöд, меставывса асвеськöдлан органьяскöд да öтйöза котырьяскöд öтувья удж;

(18-1 п. пыртöма 2005.05.17 лунся 47-РЗ №-а КР Оланпасöн)

18-2) сетö Россия Федерацияса Президентлы збыльысь шедöдöм да водзö вылö урчитана удж йылысь лыдпаса докладьяс, медым доньявны Коми Республикаса олöмö пöртысь власьт органьяс уджлысь окталунсö Россия Федерацияса Президентön индöм арт серти да кадколастö;

(18-2 п. пыртöма 2007.05.08 лунся 35-РЗ №-а КР Оланпасöн; 2008.03.06 лунся 6-РЗ №-а; 2009.12.23 лунся 123-РЗ №-а Оланпасьяслöн редакцияын)

19) збыльмöдö федеральнöй оланпасьясöн, Коми Республикаса Оланподулöн да Коми Республикаса оланпасьясöн сы водзö сувтöдöм мукöд мог.

Комиссияöн веськöдлысь

В.П.Марков

Комиссияöн веськöдлысьöс вежысь

С.Г.Козулина

Кывкутысь секретар

Е.Г.Коснырева